



UNIVERSITÄTS-
BIBLIOTHEK
PADERBORN

Fasti Mariani

Brunner, Andreas

Antverpiæ, M.D.C XXX III.

S. Ianvarivs Cvm Soc. MM. 19. Septembris.

[urn:nbn:de:hbz:466:1-70962](https://nbn-resolving.org/urn:nbn:de:hbz:466:1-70962)

S. IANVARIUS CVM SOC,
MM. 19. Septembris.

VIdit IANVARIUS Beneven-
tanus Pont. flammam caelo lapsam
caput Sosii Diaconi lambere. Eo pro-
digio excitatus accurrit, Sosiumque
osculis & amplexu impeditum Marty-
rem salutavit, Martyr etiam ipse futu-
rus, Etenim ad annum Christi C C C.
X L V. à Timotheo in furnum tertio
jam die succensum coniectus est. Ni-
mirum qui puerorum olim inter flami-
mas modulos mirati sunt, magis nunc
inter easdem senem Cygnum IANVA-
RIVM obstupuissent, cui, ut omnibus
numeris suis constaret musica, voces
suas Angeli junxerunt. Innoxium ita-
que ex equuleo suspendi tyrannus im-
perat. Sed vel omnibus laceratis ner-
vis fortis tamen paruit. Iam cum vic-
torem victus ante currum Puteolos
egisset, bravium scilicet speravit IA-
NVARIUS. A cursu ad carceres
reductus familiarem suum illic So-
sium reperit. Mox ad bestias damna-
tus virtute suâ omnes cicuravit, præ-
ter Procons: qui cum capitis senten-
tiam in Divum pronuntiaffet, oculis re-
pentè orbatus, tunc demum errorem
suum vidit, jamque propitium Numen
sibi à IANVARIO oravit. Sed di-
ceres omnem, quam bestia posuerant
feri-

feritatem, in unum iudicem coisse. Vix enim IANVARIUS lumen ingrato reddidit, cum hic gladio illi abstulit. Aspexere tamen fidei lucem, quam videns videre respuit Timotheus, quinque millia hominum. Ex Baron.

S. EVSTACHIUS MART.

20. Septembris.

EVSTACHIUS olim Placidus (cujus vel nomen Romani Imperii hostes debellabat) dum feras sectatur, Christum inter cervi cornua conspicuum habet, domumque nobile venationis spoliū FIDEM portat. Ab eo tempore etiam Christiani Iobum suum habuerunt. Nam opes & familiam everfam mitto. Ab exilio exordior. In hoc conjugem impurus nauta sub oculis avehit, mox ipsos oculos (filios geminos) illum quidem leo, hunc lupus rapit. Iam ille tantorum nuper exercituum Imp. pecoris fit Dictator, classicum bubus canit, dux oves præt, baculo in lupos pugnat. Sed proditus demum à cicatrice, ad Trajanum iterum, ad exercitus ab aratro abducitur. Et vide mihi sis fortunæ ludum, Merent sub illo Agapius & Theopistus, quos dentibus ferarum opiliones olim excusserant, ipsissimi filii EVSTACHII; hi dum alter alteri pueritiam suam narrant, & repenti fratres se mutuo salu-

K k 5 tant,